



Jens NapātōK'
Inatsisartunut ilaasortaq

Illersornissaqarfiup pisortat namminersortullu inissiaataannik atuinera pillugu § 37 naapertorlugu apeqquteqaammut 2025-201-imut akissut

Dato: 18-12-2025
Sagsnr.: 2025 - 24786
ID. nr.: 79241190

Asasara Jens NapātōK', Naleraq.

Inatsisartut suleriaasianni § 37 naapertorlugu Illersornissaqarfiup inissianik atuinera pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqutit paasissutissat Illersornissaqarfimmut attuumassuteqartut akinissaannut Nunanut Allanut Ilisimatusarnermullu Naalakkersuisoqarfik ilanngussassaanik pissarsiniarfigineqarpoq.

Apeqqut 1: Naalakkersuisut Illersornissaqarfiup ullumikkut Kalaallit Nunaanni illoqarfinni nunaqarfinnilu inissiat qassit pigineraat ilisimatitsissutigisinnaavaat?

Akissut: Apeqqut Nunanut Allanut Ilisimatusarnermullu Naalakkersuisoqarfimmut saqqummiunneqarpoq, tassangaanniillu Illersornissamut Ministereqarfik isumassarsiorfigineqarmat imatut paasissutissinneqarpoq:

"Sakkutooqarfik ilisimatitsivoq, Illersornissaqarfimmiit 2. decembari 2025-mi Nuummi inissiat attartortittakkat 98-it aamma Kangerlussuarmi inissiat attartortittakkat 15-it atorneqartut.¹"

Apeqqut 2: Inissiat taakkua ilaat qassit pisortat inissiaatileqatigiiffii aqqutigalugit attartorneqarpat (INI, Iserit, Illuut A/S, kommunip ingerlatseqatigiiffiutai) – aamma qassit namminersortut aqqutigalugit attartorneqarpat?

Akissut: INI A/S ilisimatitsivoq:

"Issittumi Sakkutooqarfik / Illersornissaqarfik Kangerlussuarmi Namminersorlutik Oqartussat inissiaataannik arfineq marlunnik attartorpoq. 2018-imiit ukiup matuma naanissaannut attartortakkanut atorneqartunut 626.794,95 koruunit akiligassanngortinneqarsimapput. (Kisitsisit kingumoortumik missiliukkanit arfineq marlunnik ikinnerupput)"

¹ Oqaaseq "ineqarfiit" inissiatut attartortittakkatut pigineqartutut paasineqassaaq. Ineqarfiit sakkutuunuinnaq (Tunup Avannaarsuani, Kangerlinnguani aamma Pituffik Space Base-mi) atortulersuutitut attuumassuteqartut ilaatinneqanngillat.

Illuut A/S ilisimatitsivoq: "Issittumi Sakkutooqarfik inissianik 32-nik Illuut-miit attartugaqarpoq. Ukiumut akiliutit katillugit 2.760.388 koruuniupput."

Iserit A/S ilisimatitsivoq: "Iserit A/S 2019-imi inissianik Issittumi Sakkutooqarfimmut attartortitsisarpoq. Maannarpiaq inissiat attartorneqartut 15-iupput. Ukiumut ineqarnermut akiliutinit isertitat: 1.580.940 koruunit."

Taakku saniatigut Illersornissaqarfik kommunini inissiaatileqatigiiffiit attartortitsisarulluunniit namminersortut aqqutigalugit inissianik qanoq amerlatigisunik attartornermut Naalakkersuisunit ilisimaneqanngilaq.

Apeqqu 3: Inissiat taakkua ilaat qassit sulisunut aalajangersimasunut, atorfinitsigallarnermut kiisalu tikeraartunut sungiusaanermullu atorineqarpat?

Akissut: Apeqqu Nunanut Allanut Ilisimatusarnermullu Naalakkersuisoqarfimmut saqqummiunneqarpoq, tassanngaanniillu Illersornissamut Ministereqarfik isumassarsiorfigineqarmat imatut paasissutissinneqarpoq:

"Sakkutooqarfik ilisimatitsivoq, tunngaviusumik inissiat attartortittakkat tamarmik aalajangersimasumik sulisunut naatsorsuunneqartartut. Nuummi inissiat attartortittakkat katillugit 98-iusumit inissiat sisamat, ataavartumik najugaqarfissatut naleqqutsinnginnerusut pissarsiarineqarsimasut, taamaattumillu tikeraanut inissiatut atorineqartut. Sulisunik taarsiinermut atatillugu attartukkanik inoqanngikkallartunik peqalertillugu, inissiat taakku sulisunut, Kalaallit Nunaannut sulinerminnut atatillugu angalasunut, aammalu sungiusarnermut atatillugu inissiivittut atorineqartarput."

Apeqqu 4: Ukiuni qulini kingullerni attartuinerit qanoq amerliartorsimappat?

Akissut: Apeqqu Nunanut Allanut Ilisimatusarnermullu Naalakkersuisoqarfimmut saqqummiunneqarpoq, tassanngaanniillu Illersornissamut Ministereqarfik isumassarsiorfigineqarmat imatut paasissutissinneqarpoq:

"2015-ip kingorna Illersornissaqarfiup Nuummi Kangerlussuarmilu inissiat attartortittakkat atugaasa amerlassutsimikkut ineriartorneri skemami matuma kingulianiittumi, Sakkutooqarfimmit suliarineqartumi takutinneqarput."

2015-imiilli inissiat attartortittakkat amerlassutsimikkut ineriartorneri		
Ukioq	Nuuk	Kangerlussuaq
2015	45	0
2016	47	0
2017	50	0
2018	57	0
2019	57	0
2020	73	0
2021	81	0
2022	77	1
2023	81	1

2024	89	8
2025	98	15

Nuummi inissiat attartortittaakkat amerlassutsimikkut ineriartornerannut Issittumi Sakkutooqarfiup Nuummi sulisuisa ingerlaavartumik amerliartornerat peqqutaavoq. Issittumi Misissueqqissaarnermut (AGFOA), Issittumi Piginnaanngorsaarnermut Ataatsimoortumut, kingullermillu Issittumi Imarpiullu Avannaani illersornissaq pillugu isumaqatigiissutip matuma Immikkoortua 1 pillugu isumaqatigiissummut atatillugu sulisut amerliartarput. Taamaattumik inissiat attartortittakkat atorneqarnerisa amerleriaataanni Nuummi Issittumi Sakkutooqarfimmi sulisut amerleriarneri takuneqarsinnaavoq.

Kangerlussuarmi inissiat attartortittakkat amerlassutsimikkut ineriartornerat Kangerlussuarmi Issittumi Tunngaviusumik Ilinniartitaanerup pilersinneqarneranut attuumassuteqarpoq. Tamatumunnga atatillugu 2024-mi inissiat attartortittakkat, sulisunut aalajangersimasunut, Issittumi Tunngaviusumik Ilinniartitaanermi ilinniartut 16-it ilinniartitaanerinut attuumassuteqartunut atugassanik arfineq marlunnik ilaneqarput. Tamama kingorna aalajangiunneqarpoq, Issittumi Sakkutooqarfik ilinniartitaanermi ilinnialertartunik amerlisitsissasoq, kiisalu Kangerlussuarmi KFUM-ip Sakkutuunut Angerlarsimaffiutaata ingerlaannarnissaanut ikiutissasoq. Ilinniartut aallaqqaammut 16-iusuniit 30-nut amerlineqarnerini, taamatuttaaq ilinniartitsineri aalajangersimasumik sulisut amerlineqarput. Tassalu 2025-mi inissiat attartukkat arfineq marlunnik ilaneqarput, ilinniartitaanermi aalajangersimasumik sulisunut, kiisalu KFUM-ip Sakkutuunut Angerlarsarsimaffiutaani sulisunut atorneqartussanik."

Apeqput 5: Namminersorlutik Oqartussat kommunillu ataatsimut isigalugit pisortanit inissiat Illersornissaqarfiup najugaqarfigisaat pillugit qanoq annertutigisumik isertitaqarpat?

Akissut: Apeqput 2-mut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqquaq B. Egede